

肥鄉縣志卷四十二

雜記

有文有本事每得自傳聞可喜可歌語無嫌於志怪或出稗官之所載信而有徵或出委巷之所談質而不俚或其人已登簡策而流風餘韻猶播人寰或其事不重朝廷而立懦廉頑有裨政治疑以傳疑信以傳信異同得失資考鏡於遺文擇焉必精語焉必詳參伍錯綜存紀事之別體志雜記

肥鄉歷代官制沿革皆不傳惟明代官制曾著於鄒公理志中後廉公靖修志則概刪去今備錄於左以資考證知縣一員管糧縣丞一員管馬縣丞一員主簿一員典史一員六房吏每房司吏一名典史二名馬政科司吏一名典史一名承發司典史一名舖長司司吏一名架閣庫典史一名儒學教諭二員訓導二員司吏一名陰陽學訓術一員陰陽正五名醫學訓科一員醫生五名僧會司僧官一員僧吏一名清朝止存知縣一員典史一員儒學止存教諭一員訓導一員餘悉如舊舊志

自東晉與北國相爭司冀雍涼青并兗豫幽平諸州一時淪沒遺民南渡并僑置牧司實非舊土名號驟易境土屢分或一郡一縣割成四五四五之中亟有離合首列揚州刺史成帝咸康四年僑立魏郡肥鄉元城三縣寄治京邑又曰以其地爲王畿領郡若干縣若干戶口若干開列甚詳後又載魏郡太守領縣

肥鄉縣志

卷四十二 雜記

八曰魏曰安陽曰聊城曰博平曰肥鄉曰蠡曰頓邱曰臨邑戶口與前不合而地理遠近又不等豈江淮以北不隸版圖而假名號以治之歟抑南徙各邑之民而仍邑名以便約束也宋志天下一統地理獨以肥鄉首列僑寄想有彬彬可取者歟宋書

孝文太和十八年卜遷都鄴登銅雀臺御史大夫崔吉等曰鄴城平原千里漕運四通有西門史起舊迹可以饒富在德不在險請都之孝文曰君知其一未知其二鄴城非長久之計石虎覆於前慕容滅於後國富主奢暴成速敗且西有枉人山東有列人縣北有柏人城君子不飲盜泉惡其名也遂止乃都洛陽

天中記

宋世景行滎陽太守鄭氏豪橫號爲難治濟州刺史鄭尙弟遠慶先爲苑陵令多所受納百姓患之世景下車召而庭叱曰與卿親宜假昔吾未至以前一不相問今日之後終不相捨而遠慶行竟自若世景卒以法繩之遠慶懼棄官亡走於是僚屬畏威莫不改肅魏書

劉黑闥自稱漢東王建元天造都洛州秦王破之於列人取洛水使總管羅士信守之黑闥攻陷洛水土信死王阻水爲連營分奇兵絕黑闥饋路黑闥數挑戰堅壁不爲動三月賊糧盡王度必決戰豫雍洛水上流勅吏曰須賊渡亟決之黑闥果率騎二萬絕水陣與王師大戰衆潰水大至賊衆不得還斬首萬餘級溺死數千黑闥范願等以殘騎奔突厥唐書

李文靖公作相嘗讀論語或問之公曰沆爲宰相如論語中節用而愛人使民以時兩句尙未邵氏見問前錄

李沆治第封邱門內廳事前僅容旋馬或言其太隘沆笑曰居第當傳子孫此爲宰相庭事隘爲太祝奉

禮庭事已寬矣堂前藥欄壞妻戒守舍者勿葺以試沆沆朝夕見終不言妻以語沆沆曰豈可以此動吾

一念哉宋史

文靖布衣時因事涉江風濤暴作幾覆沒有大校王姓善人倫鑒遽白曰此有真相誰敢爲害何懼之有

是日果利涉無虞衆皆神其事及公之貴王校尙存王沂公筆錄

李丞相沆有長者譽一世僕適宅金數十斤遁去有女將十歲美資格自寫一券係於帶願賣於宅以償

焉丞相大恻之祝夫人曰願如己子育於室訓教婦德俟長成求偶嫁之夫人如所誨及笄擇一登亦頗

良具奩幣歸之其二親復歸舊京問之淪感心骨丞相病夫婦割股爲羹饋之至薨衰經三年湘山野錄

文靖秉鈞日有狂生扣馬獻書歷詆其短公遜謝曰俟歸家當得詳覽狂生遂發訕怒馬後肆言曰居大

位不能康濟天下又不能引退久妨賢路能不愧於心乎公但於馬上踉蹌再三日屢求退以主上未賜

允終無忤色傳獻簡公佳話

李文靖公沆爲相專以方嚴厚重鎮服浮躁尤不樂人說長短附己胡秘監且謫商州久未召嘗與文靖

同爲知制誥聞其拜叅政以啟賀之歷詆前居職罷去者云呂叅政以無功爲左丞郭叅政以失酒爲少

肥鄉縣志

卷四十一 雜記

二

監辛叅政非材謝病優拜尙書陳叅政新任失旨退歸兩省而譽文靖甚力意將以附之文靖愀然不樂

命小吏封置篋曰吾豈真優於是者亦適遭遇耳乘人去後而譏其非吾所不爲况欲揚一己而短四人

乎終爲相且不復用游署雜錄

東坡筆錄夏鄭公竦以父歿王事得三班差使然自少好讀書工爲詩一日携所業伺宰相李文靖退朝

拜於馬前而獻之文靖讀其詩有山勢蜂腰斷溪流燕尾分之句深愛之竦日袖詩呈眞宗及死事之後

迄與換文資遂改潤州金壇主簿詩林玉屑

王沂公會李觀察公維薛尙書映一日謁文正公公託病薛有不平之色公壻韓億在門下見之以此啟

白公公曰韓郎未之思爾王薛皆李之壻相率而來恐有所干於朝廷事果不可阻之無害若可行答以

何辭執政之大忌韓乃謝曰非億所知後果李文靖妻有所請王文正公遺事

至道四年李維爲崑山令獲白龜以獻維好讀書生平手不釋卷自言人生如駒過隙苟得詩酒自適足

矣他復何求哉其與文靖人品之不同如此姑蘇志

文靖墓在肥已久不知起於何代後讀百川學海雜誌白馬寺後十宰相墓李穀蘇禹珪李沆又云十宰

相止記此三人又云白馬寺應在南遷以後亦不審何地也詩林玉屑

寇萊公始與丁晉公善以丁之才薦於李文靖公沆未用萊公語文靖曰此屢言丁謂之才而相公終不

用豈其才不足用耶抑鄙言不足聽耶文靖曰如斯人者才則才矣顧其爲人可使在人上乎萊公曰如謂者相公終能抑之使在人下乎文靖笑曰他日後悔當思吾言晚年與寇相軋交至傾奪竟有海康之禍始服文靖遠識東軒筆錄

宋眞宗上元節御樓見人物繁盛因舉酒賜侍臣曰天下富盛如此嘉與卿等共舉此觴李沆辭避再三終不受帝爲色變次日王日謁之邊巡言及力辭酒事沆曰天下庶事尙多未濟者人主豈得言治安遂極論治體以爲自古人主好尙之弊有三不好色則好兵不好兵則好神仙以沆觀之聖性如此必無好色好兵之累恐異日爲方士所惑沆老矣相公適當之耳通鑑

郭樵通志略云古以鄉爲氏肥氏其先有封於肥鄉者戰國策趙賢人肥義之後風俗通漢有肥詔英布將肥赫又仁恕錄肥親皆肥義後也又韻書肥赫卽賁赫賁亦賁肥故也灌水齋隨筆

葛藜城俗呼葛鵝城相傳爲趙武靈王夫人所築一名夫人城考之史記趙成侯十七年與魏惠王相遇於葛藜則相去武靈卽位之初尙隔三十二年武靈王前夫人韓未娶後夫人吳娃未及也徐廣註葛藜卽馬邱又不知馬邱爲何地母亦趙先有長城之築武靈王與臣樓緩計曰我先王因世之變以長南藩阻漳立險而此其地歟函樓別紀

程咬金俗傳爲唐太宗征東將肥東三十里陳固村有廟泥馬夜出食人田苗土人以斧砍之馬帶斧奔

肥鄉縣志

卷四十二 雜記

三

逸進明入廟斧在馬尾羣異而祀之甚謹今遺址尙存雜記

白馬將軍俗傳小將羅成死於此唐太宗爲建廟祠之有碑誌陷泥淤中其略云勅守洛水城陷被執又云廟制宏敞尉遲敬德奉勅督修事皆杳茫不可信後讀山東通志羅士信歷城人年十四以勇聞從張須陁擊賊濰水上陣纔列持長矛馳入賊營大破之後歸高祖拜行軍總管封剡國公從秦王擊劉黑闥勅守洛水城陷被執不屈而死遍查唐書無羅成名而碑文與原傳合蓋羅成卽羅士信其曰小將者或以其年十四故云函樓別紀

河州刺史梁景獻抱罕羌首恃遂不敬其賀正使頻年稱疾秦州刺史侯莫陳悅受餽遺常爲送表宋世良奏科其罪帝嘉之謂長孫承業曰宋郎中實有家風可敬也通志略

中公時行序竇氏醫書曰宋有竇漢卿者以瘍醫行於祥符慶歷之間詔治太子病愈封太師以國老稱又曰漢卿合肥人嗟乎漢卿爲有元一代名儒醫特其一斑耳在史傳甚詳以中公之學識猶不及深考且以元爲宋以肥鄉爲合肥以大儒列方技吾不知何所聞見而敢公然質諸天下也竊字事之彷彿張梓里之虛聲江南固多才而又好附會人以成才河北固無才而未嘗不爲人所附會以成其才大抵北人不好名南人多附會因表而出之以告後之讀竇氏書者知其家世焉或曰中公大有文名此序曼衍無體裁乃術者托以盜名云函樓別紀

郭景洪武中仕龍江參軍未幾辭歸鄉里以醫藥活人甚衆一夕夢朱衣持符授之曰上帝錫二縣於汝以老驚覺符猶見怪之無幾張普祥之藁彭舉爲白蓮會以妖術惑衆逆跡已彰公季子謙以生員倡議擒斬聞於朝授本縣主簿巡撫王偉復奏請陞永年縣丞公終始就其祿養年九十七以壽終果與夢符

蔣助家塾事親序

漳河之跡肇於禹貢詳於水經散見於諸子百家其源有二一出山西樂平縣爲清漳一出山西長子縣爲濁漳迤逶分流以入林慮北欽山口合爲一股由彰德之西達於磁折於臨漳而汜濫於成安以下諸縣地前則會渚沁汾潞之水後則集沙潞洛沱之水抵天津入海其大較然矣自臨漳以上皆山陵坂坳地勢建瓴不可停成安而下地皆平坦故縱其性之所如瀾漫停泓流斯放焉其經紀於肥鄉也在禹貢有至於衡漳之說在唐史有韋令防漳之說在宋金元史傳與學碑有修隄受漂沒之說是肥鄉之有漳水實與運會相終始者也其去來遷徙不勝書散而波蕩村落則歲以爲常矣其在唐宋元以前繞臨漳縣達魏縣元城之南境正值黃河經小灘鎮一帶北流漳入則尾閘洩之而其餘支以及成肥永曲之間其害小及黃河漸次東南下呂梁之險著徐淮之道通沿黃河舊址淤塞成邱漳咽而不能洩而禍斯烈於諸縣矣其在嘉靖戊戌由嚮王口經回隆鎮艾家口入於衛而肥之無漳者十年及嘉靖癸卯河決磁州以東臨漳以西四十里磁州守秦姓者曲周人遂竭力築務本隄挽河由枯桃園趨蘇胡寨以還入於

肥鄉縣志

卷四十一 雜記

四

衛而肥之無漳者十五年至隆慶己巳決臨漳由成安達肥鄉直繞城下數年而復南徙或從魏回隆以達館陶或從花佛堂南決廣平西南若柳林屯龐兒庄南溫油房諸村而肥之有漳而不甚爲害者又幾三十餘年突自萬歷戊戌其素所經歷者多成高阜勢不能南下始不得不入肥鄉之四境焉萬歷乙巳知縣曹公昕沿城外一里許創立新隄萬公廷摺各加增築其外日積而高其內日窪而卑識者已有沈龜產蛙之慮所幸蔣公嘉訓周公汝弼皆能頻年陰雨綢繆不至隕越不料署事者范公應禎以曠外置之壬戌六月肥鄉遂遭沉劫之慘不可救藥嗣是王公國祚李公春英譚公誠言相繼修葺十有餘年而迄今屋宇儉陋委巷空虛元氣尙未大復也其最甚而傷禾殺稼蕩產析廬四望蒼茫城鄉俱困者一則天啟丙寅一則崇禎之癸酉一則順治之甲午以迄今康熙之壬寅皆奇災也自萬歷戊戌以後其勢常在肥之西鄉自順治壬辰之後其勢常在肥之東鄉今壬寅突決成安之野莊口繞隄數迎四圍皆化稽天而又有蟻穴潰於北長流迅於西薄膚侵床岌岌難保書奕篇云水以漳名者甚多當陽有漳巖上有漳鄆郡有漳亳州有漳而皆不如晉趙清濁合流之漳猛而烈狂而肆沮洳而善幻肥何德於漳而自開關以迄今茲不舍晝夜如斯也善哉張雪籟之言曰成安者漳之門庭曲周者漳之郵舍而肥鄉則漳之腹心又曰漳有十功曰獲秬稻曰易膏沃曰填汚下曰通舟楫曰資蓮藕曰備旱乾曰增林木曰省糞畜曰聚魚蝦曰廣芻薪有十過曰克城郭曰混阡陌曰淤禾稼曰苦棲息曰悲遷徙曰溺性命曰阻貿易曰

決隄防日沒村落日壞封植功不如過之多功之及民者或以月計或以歲計而過之及於民者其量十世其量百世也故曰肥鄉之有漳水與運會相終始者也道不通乎漕運平江之奇策誰開事難資於漕漕西門之顯跡不著人居僻壤禍慘黃河敬述近代源流以聽當事采酌澤畔狂言

宋李文正公昉文靖公沆文定公迪皆一時名相子孫亦相繼官達乃數世後漸益蕭條南渡轉徙三裔並寓餘千無一人在仕版者而文靖文正尤無聞尤可太息陳眉公別錄

西山漆泉寺石碑爲順德太守游記鐫也碑側有句字畫清勁其題識則肥鄉杜奎可見肥之先未嘗無博雅君子大都不好名又不及傳而爲子若孫者不能爲先代揄揚日月云邁兵燹接迹荆榛蔓草曷其有極耶即如郭氏燕石稿名重一代而子孫冠裳纍若索之僅得數葉况其他乎識之以發一慨聞見錄

張公思忠性方嚴寡言笑而貌殊豐美幼讀書蕭寺鄰有孀婦見而悅之授以意不應投繡悅以挑公公大怒拂袖去絕迹不過其門後成進士歷官巡撫郭公忠學識方正居官以廉直聞爲諸生時旅宿比舍有女夜奔公拒之不肯去乃出避他所後成進士官太守人以爲陰德果報列人書

張驥以禮記中宏治己酉科張學顏以春秋中嘉靖己酉科張錫祚以春秋中萬曆己酉科祖孫相繼其應不爽列人書

天啟二年六月霖雨決旬漳溢上流濫漫爲一由磁州邯鄲直抵肥鄉官舍民廬概爲漂沒當水勢盛漲

肥鄉縣志

卷四十二 雜記

五

時城南樓關帝忽現像若指顧者士卒共見號呼拜泥淖中及水退城垣盡圯其廟巍然獨存舊志

楊宗智孝子楊鳳之子年踰八十步履矯杖不俯屹然鶴停鶴峙也或問公有道術乎曰吾何術哉夫人世汨沒名利妄肆覬營神竭精殫未老而老至矣吾爲太平散人飢事渴飲一切事來不妄想過不凝滯其真不戕故其數彌長耳舊志

張學顏撫遼大司馬汪道昆來閱師同游醫無闕山時一卒執扇以御適風起撼其掌撲學顏冠落遂澗中學顏命取去巾幘徐易之曰風如此烈哉復屬主兵者不咎此與韓魏公然鬚事略同列人書

平原君塚初高十數丈久而剝落土人築小屋以覆之其後鄉人李如蒼等始祀元君像於內已而加增修葺殿閣輝煌居然如來香火而不復知有公子遺迹萬歷間成安吳維東過肥鄉廟詩夫人城裏埋承相公子墳頭祀女郎蓋實錄也三變錄

平原君廟在肥鄉縣西屯庄舊塑泥龍二條蟠繞梁間頗具神異萬歷年村民某夫婦皆不孝日饑其母母且夕號泣鄉里督勸終弗悛一日夫婦偕耕隴畝雷電大作兩龍乘雲霧將夫婦各攫其一入廟捧死土人羣往觀之龍爪猶帶血痕後人因並塑其攫取之形刺名以示戒野聞

曹公司宰令肥時東倭據朝鮮請封而當事者輒議撤天津兵公聞而大恨條上封事即往謁撫憲力爭以爲封不可許兵不可撤言之侃侃撫憲初怪其迂徐咨九邊情事兵食戰守籌策歷歷指掌乃變怒爲

喜已而擊節嘆曰不意書生有將帥才揖之坐賜茶卒如公言

曹公實錄

東鄉倉堡營有東嶽廟爲一邑巨觀殿宇肅穆人無敢輕入者唐太宗時命尉遲敬德監造傳有碑文可考明嘉靖間村民陳李二姓因爭田小嫌托本村景司務言於郡守陳公毀拆移建府館工未抵半沿街塞路運轉維艱陳頗悔之復命如式再造然已狼狽不及前十之二三傳景沒京邸陳旋里亦遭風濤之厄而陳李以鬼擊同日死皆親見東嶽顯靈云

日談

肥鄉賀思禮於舍旁掘坎築基得一金磚經數寸瘞之秘不言臨終乃以誥子孫其後族屬蕃衍人稱金

磚賀家

舊府志

李公枝秀擢南刑部將履任有建業富商繫於獄史持百金壽公求解釋公叱去旋密語人曰此猾民宜暴其事而繩之以法恐一爲播揚則我博美名而其人永無自新之路所傷多矣

家乘遺事

隆慶己巳閏六月大雨洩旬漳水挾洶溢流注直抵縣城下城不沒者三版四關廬舍四鄉田禾衝決殆盡號泣之聲達於晝夜邑令閉關禁人出入民皆攘臂大譁余編筏浮水以解之東門城危益急余躬率親族出錢財極力補苴幸保無虞事定親族勞我曰子當事急何不自顧乃汲汲解喧競補浸漏舍己從人其意何居余曰人定則不至激變城存則不至破家因公實所以濟私耳

余幼從先君子讀宋史至吾邑李文靖公曰此吾邑先正善行雖多惟引燭焚詔事宰相所難至王日迎

肥鄉縣志

卷四十一 雜記

六

天書曰天無口無手書難說難寫若文靖在必投之火中余竊心識之每聞公言行必留心記誦後歷仕入朝侍上經筵講官陳民瘼必引公奏水旱事論用人必引公不用新進浮薄語若焚詔事並未言及獨余守戶部時上遣中使持手勅取帑銀七萬兩爲公手妝奩在兵部時復遣中使手勅取太僕寺馬三千匹給內閣騎余將勅旨即繳回請將銀馬停取上大怒將有籍沒之信余惴惴待罪爲被逮計數日忽得允旨諸大臣皆爲余稱慶始知封還詔旨猶恐忤君取禍况詔旨方下對使引燭焚之非公精忠貫日安能不動聲色毫無顧忌如此朱文公謂公爲宋賢相第一余以焚詔一事漢唐以來一人而已

祠碑記

楊充濁辛安鎮人因其祖楊圮納贖趙公幹家而趙有盧龍衛軍役積歲苦累楊氏合族充濁自置田六十二畝出租供軍仍懇邑候刊石注明傳之永久軍便追呼族免逋逃二姓均蒙其利焉又創屋三楹祀孔子及顏子買田三十畝爲東修邀舌耕者以訓其鄉之子弟嗟夫充濁何人也創義田建義學樂善不倦如此宜大書特書以爲肥之富而好禮者勸

廣武靈傑考

詩云蠨蛸在東莫之敢指則虹霓藉日光以成從無夜見者明天啟丙寅夏與客露坐忽現竟天之虹光

芒逼射經宿不散

龐記

喬接武進士光岳之父年三十歲即喪妻矢志不再娶後子登第亦不復置媵婢繆居四十年

舊志

御史劉臺以劾張居正得罪張學顏復論其贓私御馮景隆論李成梁飾功學顏亦稱成梁十大捷非妄

景隆坐貶斥學顏故爲居正所厚與成梁共事久物論皆以學顏黨於居正成梁御史孫繼先曾乾亨給事中黃道瞻交章論學顏學顏疏辨求去又請留道瞻不聽明年順天通判周宏禴又攻學顏交通大監張鯨皆黜之學顏入疏乞休許致仕

明史

張汝行少無賴嘗爲盜被獲推官張鳳翔書夢有虎繫府門異而釋之後鳳翔巡撫保定汝行以他案事發竄名赤籍鳳翔感前夢署爲千夫長及鳳翔爲兵部尙書拔自偏裨歷通州總兵官賜蟒王崇禎十七年闖賊將渡河汝行罷歸居郡城乃閉門拒守殲滅土寇闔境肅然既而陰懷異圖使腹心迎賊將劉芳亮於磁州至則拷掠士紳備諸楚毒芳亮北去自稱權將軍卽家爲帥府大作威福王師南下命官抵任方束手歛迹順治己亥病死

舊府志

甲中平鄉土寇劫掠村鎮時總兵張汝行在郡城甚有威望賊畏之令有擅入廣平界斬鷄澤去平鄉纔十二里秋毫無犯每見賊持刀逐人至鷄澤界輒止高家庄一村隸兩郡後爲順德府南和縣界前爲鷄澤縣界賊焚掠後莊殆盡前村帖然無一矢之驚汝行當日雖不能盡如人意然其威名遠播捍衛一方才略必有過人者豈可以其起於亡命而少之

鷄澤縣志

康熙乙巳肥鄉縣城沒於水邑令寄治於郡城皇華館一時遂有兩縣之目至丁未始遷去明天啟壬戌年亦然

永年縣志

肥鄉縣志

卷四十一 雜記

七

郭東庠生有才善詩臨終與父郭永訣詩曰古刹無人四顧空一枝紅杏對春風雖然未見調羹食且看枝頭一點紅父云紅杏對春風焉有不落之理

崇禎十一年己卯歷庚辰辛巳流寇西來土賊乘機擄掠若東河小堤韓村平家庄沙窩等村蹂躪不堪惟彭固奉知縣郝公綱之令置鄉練長四人馬上飛報十人精壯團丁二百四十人晝夜防守甚嚴故當盜賊猖獗之時安堵無恙郝公批云彭固人義勇勝於別鄉真一縣之保障也更有關帝大顯靈陰庇默佑屢有明驗村民立碑廟中以紀其事今現存崇禎十七年大清兵由山東入縣境前黃寨生員高欽禹年二十餘歲因母老弟弱不便逃避被擄北行可三百里月下泣曰不意孝親讀書人竟死於此也傍有少年人問其里居姓氏以實告其人曰汝家歷代良善必不死吾救汝欽禹問其人乃八里庄人鄉里也欽禹曰吾三日不食力不能行子速去勿爲吾累其人曰既係同鄉宜同生死乃解帶繫欽禹之腰白馬腹下匍匐行二三里許避墳穴中旋聞追索聲又聞恨恨欲殺聲伏不敢動已而寂然兵去始出穴已餓二日矣欽禹愈困不能復起其人以背負乞食歸高母正思子哭泣二人忽至高母驚喜問其人眷屬全無高母曰吾二子去一今得一而二矣遂收爲義子兄弟友愛如同胞爲之娶妻生子一日欲歸故里欽禹置田園修宅宇送以車馬謂子孫曰此吾救命恩人也使當時無彼吾不知死所矣焉有爾輩乎願世世無忘而其人亦感恩改姓高氏迄今二百餘年親如眷屬子孫家業兩處俱茂焉

何以名鄉也古萬二千五百家爲鄉鄉者向也周用以制軍賦興風化漢十亭一鄉唐五里爲鄉以計租庸調之所出考戶口置三老教親睦焉今制則以鄉名邑或分村落爲四鄉猶古積家爲里積里爲鄉分合之勢然也何以名鎮也鎮者定也凡關隘處類稱鎮九邊之都會皆稱鎮真定稱鎮州廣平所屬惟臨洛稱鎮肥鄉則爲平安鎮曲周則有代召鎮古鎮大於縣今鎮則附於縣矣鄉猶村落鎮猶城垣即以肥鄉而論設四堡以爲附屬有拱衛之形焉有輔弼之義焉有聯絡之勢焉無事則耕鑿相安有事則守望不失此誠太平經制之石畫也當明世庚戌之變各行修築以備不虞日久傾圮故至今辛未逃兵癸酉流寇子女奔騰不填塞縣城則蟻附郡郭鳥驚魚散蹂躪堪悲使鎮堡少完人得附近以趨屯守邑藉爲聲援而民樂有家室未必其禍如此之烈也况乎舊址尙存人心易鼓當事者肯撙節冗費之餘力以造此不世之金陽碁布星羅多方保障兼行保申鄉約之法以一邑而增四鎮以四鎮而壯一邑支體相維本末相生富庶足而教養興不惟鼠竊狗偷無由竊發而雞犬桑麻得安枕矣此亦司世風者之急著毋曰此老生之常談而迂視之

廣武靈傑考

肥鄉田賦至今淆極矣其額外加征暮四朝三者勢重難返不可救藥而內有項欽沈迷相習不覺不得不略指出其大端有五一廣平府屬嘉隆以前皆大畝徵糧者也威與清三四畝折一畝七八畝折一畝肥則一畝八分折一畝其徵收民以小畝其解黃冊以大畝計每畝四分八釐以大畝言也其徵收以小

肥鄉縣志

卷四十一 雜記

八

畝數則照折漸減不及三分矣萬歷時縣官李斌申文可據也今不問畝之大小概徵五分有餘問此小畝有餘之地安歸乎畝丈而額反增可疑者一肥之空地無糧者甚多如張達村之古城陂馬固村之列人城王固村之章景駿隄皆不入糧地也吾吉河馬等村沙磧不毛皆折糧地也此等地不下數百頃今漳水淤積無不照田一例起科此盈則彼縮盈者日增縮者何往此田賦之可疑者二一錢糧絲毫爲重而肥邑亦決少外派記萬歷中乍間有行之者必請鄉紳合學黎老公議每畝不過毫釐有剩餘則爲修學給貧之舉人猶嘖有煩言今則每年一舉行每畝或加六七釐或加八九釐除優免以塞口實重催科以累貧民竟派至三四千兩幾抵正項之一季而民皆安之貢不入於王宮而財徒斂於積蠹此田賦之可疑者三一田賦在官以赤歷爲重在民以田單爲憑此自古相沿舊例也近年有解上之赤歷又有在官之赤歷又有衙役之赤歷赤歷多而錢穀之數不可詰矣由單者部例欲與民共曉者也每戶一紙歲以爲常今則戶更全不給發上屢詔之下屢格之諸侯惡其害己也無足怪煌煌憲令哀如充耳此田賦之可疑者四一收糧僉報大戶最爲偏累此不過銷算不明虧額有限耳近年僱替衙門吏書既有工食又肆侵尅崇禎末年二十六拒收頭花費正項幾至一萬餘兩幸際國變得保首領而當事者於小民則立賜責罰於此輩偏加大度不知事一發覺此輩浪迹飄蓬去矣而身家不測之禍隱坐於縣官之一身此田賦之可疑者五

澗水商叢談

肥鄉歷朝可入世家者三姓魏有宋氏宋有李氏而明惟有郭氏其堂聯有云千秋闈四春榜父子雲初
叨甲第八勅文五誥命高曾祖考沐恩光

郭氏家乘

神廟初端人高淮摧稅山海關虎翼鷗張怙惡不悛張公承祚時以濟南通判督餉廣甯其支黨高仲等有
借稅罷市事公往執之按法痛決不少貸撫臬咸爲公危私語公曰子其不免乎公曰淮與遼不兩利
某與淮不兩立已而淮惡益熾遼民寢不安席公竟繪全遼受禍圖託直指上聞不報淮劫奪公家人於
山海公抗疏略云臣弟子懋昭懋勤等隨任攜家回籍行過山海淮遣兇丁搜括行李乃將家眷鎖閉囚
擊不知意欲何爲軍民商賈萬目難掩前奉明旨嚴禁稅使生事擾民御墨未乾也淮視如故紙攘金如
山殺人如麻窮兇極淫惟日不足臣固不足惜獨是朗明天日以確關細事令一闈寺小人墮二祖八宗
之綱紀其爲天地大德之累者何限如皇上感悟臣言卽討淮罪下之司敗以惠邊氓是臣一家哭博一
路笑臣死如飴疏人不報雨臺代公連翻上疏且以去就爭亦不報淮憤挾兵丁千餘至廣渠門聲言面
皇上欲辨誣申理上聞遣田牌子馳諭淮速返山海少留處死淮始單騎返關門而正值公之趙劉兩僕
東西交至淮並執拷訊劉竟死下趙於獄搜家書二封其一公與子懋忠書其一子懋忠與公書也淮字
字音釋箋註封進御覽書中有云聞相國沈公前曾揭救東廠陳公會於上前力言淮必憤事宜撤等語
上以淮疏並書二摺手付陳並致相國相國亟招公子懋忠語曰此番無恙淮無能爲矣淮卒罷遣公亦

肥鄉縣志

卷四十一 雜記

九

陸歸德丞去

張氏行狀錄

父老相傳從前守令之重隄防者蓋莫如商城周公言其每當春夏之秋雨霑水泛晝夜不懈巡守有不
率者盡以重法繩法以故公履任數年河屢浸及城隄不爲害亡何公以待御內召去攝篆者爲某郡丞
瀕行公重以隄防相託不啻再三郡丞視之篋如也河甫漲輒乘傳旋郡委之佐貳佐貳亦以公事他適
防者疏虞蟻穴衝決勢成莫救四圍進柱樓櫓傾陷居民倉卒無所逃避號呼之聲聞數里一日夜間水
與堞平屋上可駕舟楫衙署之所職掌官廨之所崇祀卷案之所稽查倉庫之所委積與夫故家巨室數
百年之所收藏一旦全舉而付之波臣而肥之文章風俗紀綱從此不可復識矣男婦以無所救援而溺
死者册報七百餘人蓋天啟壬戌歲六月二十九日也事聞京師周公啣恨某郡丞不置欲具疏申刻以
某邑紳力勸方止其後郡丞雖無大過率以是罷官而周秩躋卿憲顯明於朝廷今肥民稱良有司皆曰
周公周公其人云

譯詳狂言

列人舊城在馬固村北天啟壬戌肥鄉城壞知縣楊公時晦銳意移城於此已申報各臺縣署儒學城垣
門堞量步都畢擇吉聲炮破土邑豪家勢旋惜其既燼之餘業乃復力行阻止楊公掀髯相向日君欲仍
舊貫乎蓋以貫與灌音相近語雖戲而實有遠識迄今四十年總總焉無日不抱厝火積薪之慮人皆笑
豪勢之固陋而致憾於首事者委靡不振云

雜事記

張達村有張果老墳劉家寨有古城坡張兒莊有虛糧塚其迹存矣而人無據焉舊志以肥爲蔡梟狼地或以肥有周處射虎天臺斬蛟長橋或以趙王廟爲趙簡子其說存矣而迹無據焉影響於父老之口傳疑似於史傳之說諸如此類概行刪削如曰聖經猶有夏五之存史記亦多楮生之謬信則傳信疑則傳疑後代之紛更不又以爲口實乎故劉知幾揣摩之說宵闕略於一時而公羊高傳聞之異勿滋議於後

世雜事記

廣平府肥鄉縣儒學增廣生員臣張桂謹奏爲比例陳情懇乞天恩旌表苦節以光泉壤以勵風化事臣伏觀詔律內一款凡民寡婦三十以前夫亡守志五十以後不改節者許令旌表欽此臣竊念臣父張定年十九歲於嘉靖四年三月內聘娶故民李江女爲妻至嘉靖五年十一月初六日生臣本月十二日臣父病故時臣母李氏年方十七歲臣僅生七日耳臣母正在尊間強視含歛撫官慟哭絕飲食者數日戚黨勸慰方進水漿臣父葬畢臣外祖母見臣多病臣母尙少艾屢命輟乳以奪母志母引錐刀泣誓曰夫死我存爲此兒也若兒亡我卽日見夫地下母言何至於我也臣家素貧又饑饉相繼臣母挑菜紡績以事舅姑比臣父存日愈篤臣六七歲擇師授讀訓臣曰爾勿忘爾父勿負我苦是以臣得有今日臣母於嘉靖三十九年九月十九日病故臣廬墓三年訖查得本縣評事郭崇嗣母王氏守節陳情奉旨旌表臣念母自適臣父爲妻統算一年零八月自十七歲孀居至五十一歲病故總計獨處之苦三十五年有

肥鄉縣志

卷四十二 雜記

十

餘比於嗣母節操雖同而難苦實過之若臣不將情自陳則是母以萬苦育臣臣不能以一夕報母誠恐臣母苦節竟至泯滅臣負不孝之罪何以見母地下伏望皇上一視同仁均霑雨露勅卽查勘如果臣言不謬照例旌表云云疏入上命有司建坊仍準張桂食餼於庠

本傳

省祭官閻可復生平性好施予置學田五十畝延師以教鄉之子弟又立義塚於本鄉葬無主骨庫吏常某花費官帑五十兩無所償拷掠瀕死可復如數解囊助之庚辰歲饑施銀三百兩煮粥食於道路賴以全活者甚衆按君建坊旌表

聞見錄

李杜擢江西布政吏胥迎侯至里值公布素倚門旁無僕從吏胥遽以客禮呼公使求介紹公伴應之入少選抬吏胥拜謁庭下則曩呼介紹者居然方伯公也吏胥惶懼叩頭伏罪公待之恬如

公里居時偶村外閒步適有推小車者陷於淖不能行呼公助力公笑應之出淖始知爲公遽謝非公慰勞遣之去

肥士君子之表表者前志已載其有迹不掛華胄行可琢圭璧者一鄉之善士有足述焉獨則修學有郭傑操履端方有李晏面折人過有鄭溱賑飢助葬有王寵動合矩度有畢得用取予不苟有賀憲愛篤有餘有趙梅公平正直有李安其其尤著者四人一日宗志舉年七十未入公門人有侵其畔者讓之不校路有遺金趨而過之弗顧焉一日王僕家富饒而無私蓄見貧窮率周恤之遇強橫含忍不欲報一日張

國崔格不利人之有不恥己之無好施財以濟人急將死自營喪具設笑而逝有古達士風一日陳盡忠剛直果斷鄉黨有難處事皆往質其門事繼母以孝待弟姪以誠處隣族以義此皆舊志所臚列者其餘窮鄉下里豈曰無賢有司之旌表無聞汝南之月且未顯不得不濡筆揚眉以俟續舉舊志

郭生泮義田記略云維正之供固在下所宜然乃頻年賦重差繁苦樂不均而吾里甲長爲尤甚况追呼急於星火而桁楊不辨淄澠富者巧於避差貧者終難脫役欲逃無路欲死無門余目擊而心傷久矣因糾集同甲父老子弟估計各家產力各出分金若干兩置買田地若干畝自順治十二年乙未至十七年庚子共買地四十畝一以供辨酒食打點一以補算死逃逋欠庶乎公私兩全貧富協均自茲以後不論戶之大小人之強弱凡應本里甲長卽種此地一年一算輪流接管強者不敢吞奸者不得欺弱者不致困貧者不滋累億萬斯年勒諸貞珉有背盟者執約到官處置

壬寅八月二十七日大水平堤十一月二十一日地震冬水漲隔隄浸灌達於城濠以及內門角屋廬傾

壞居民無所栖止四門瀾漫成河不得行集市亦罷惟城內四大官街可通路聞見錄

順治甲午肥鄉大水舟子於水中得一木二尺許入夜則明有光如晝至鷄鳴特光乃歛鄉人得此數者

甚多舊府志

康熙乙巳肥鄉縣城沒於水邑令寄治於郡城皇華館一時遂有兩縣之目至丁未始遷去天啟壬戌然

肥鄉縣志

卷四十二 雜記

十一

永年縣志

高如岷自幼失目父善述留銀一罇埋案下謂之曰吾獨與汝勿令人知也及父沒兄如岳待之甚厚兄子誼事之如父誼子人泰聰明賢孝十七歲入泮而岷子訓尙幼令從人泰學得入邑庠一日謂人泰曰吾依汝三世成家吾父雖以金遺我不忍私也遂出之以充公用其子若孫皆不知也五世同居毫無嫌隙非甚盛德何能若是

張毓藻知四川梁山縣有命案而凶手不得毓藻禱於城隍廟夜夢殿前覆一鐘有羊入鐘下不見既寤恍然曰得非楊進忠乎訪之果有其人問之色動嚴訊之供殺人事歷歷如繪問抵案始結

梁山縣某鄉一寺極宏麗僧衆五百餘人窮凶極惡積案重重歷任官無敢過而問者毓藻下車有控告者扑之曰出家人何至如是爾等挾嫌耳僧聞之喜詣縣謝毓藻欵接之且至寺拈香來往欵洽僧意大安一日謂僧曰廟漸殘破曷修之僧辭以無錢毓藻捐資以倡且授緣簿遍寫鄉人先令開窯燒造磚瓦柴草環寺堆積如山適逢僧壽辰衆僧畢至毓藻先期送祝禮甚厚約屆期祝嘏作竟日歡僧大悅至日毓藻至酬酢方殷忽有急足馳報曰某大人過境毓藻若爲弗得己者快快還去寺甫數里暗使人舉火柴爇寺爲灰燼衆僧聚而殲焉歷年之害頓除

貢生王福元任邢臺訓導忽一日有役報某日陞唐山知縣經宿而去其子王璵往視其父則已病終矣

所升之日卽唐山縣城隍獻戲開光之日也
西落堡村民張維新張日新兄弟也咸豐十一年十一月賊入村維新遇害鄉地誤報日新已題準賜恤
入祀昭忠祠矣然每至春秋致祭時日新輒大病後訊知其故懇求改正允其請而令伊更名亦異事也
同治元年十一月二十八日官隊與賊戰於程兒寨重圍四合士卒飢疲忽有一老翁携一籃饅首至遍
給練勇不記其數亦未付其錢且在隊中幫散火藥鉛丸謂李占元曰何不開鳥機炮占元曰止有二子
可奈何翁以五子與之曰鉛丸尙多無慮也占元連開兩炮打斃賊目陣遂迸散大敗而走收隊時翁忽
不見咸驚以爲神

肥鄉縣志

卷四十二 雜記

十二

